

DEO OPTIMO MAX.

UNI ET TRINO.

VIRGINI DEI-PARÆ, ET S. LUCÆ,

Orthodoxorum Medicorum Patrono.



QUÆSTIO MEDICA,

CARDINALITIIS DISPUTATIONIBUS

manè discutienda in Scholis Medicorum, die Jovis sextâ mensis

Martii, anno Domini M. DCC. LXXXIII.

M^o. LUDOVICO-CLAUDIO GUILBERT,

Pharmaciae Professore, Doctore Medico, Præside.

An Ambitio noceat sanitati?

I.

A libero placidoque omnium corporis functionum exercitio sanitatem pendere, quid certiùs? quid evidentiùs? At prohi dolor! quot infortuniis quantâque malorum congerie, obruitur humana conditio! vix intèr tot hominum millia, quidam incolumes brevissimum vitæ cursum percurrunt. Alii sanitatem quam ipsis amica dederat natura, violentis animi affectibus effundere amant; alii verò languentem ingratamque emendantes naturam perfectâ animi æqualitate ac serenitate denegatam sanitatem acquirunt. Sed heu! quàm multiplices sunt fontes quibus erumpunt mala! quàm verò raræ è quibus extrahitur felicitas! Crederes hominem tot ærumnis pressum in hoc terrarum orbe esse positum ut semper eum sorte colluctetur. At ut infinita fileamus mala quibus obnoxii jacent miseri mortales, nobis fert animus violentissimum animi affectum expromere, ambitiosæque mentis deliria & effectus delineare.

I I.

INTER varios animi affectus, nullus sanè violentiùs hominem exagitat, nullus sanitatem certiùs subvertit, quàm vesana ambitio. ex duobus principiis quæ à se invicem divelli ne-

2

queunt , homo conflatur. Alterum spirituale ; alterum
verò corporeum. Ex æquo ac reciproquo intèr se con-
sensu pendet sanitas. Sic voluit supremum numen. Fe-
lices nimium quibus à naturâ concessum fuit tranquillos
soles agere ! non illos sollicitat impatiens honorum ar-
dor , non famæ aut laudum cupido insana , nec divitiarum
fames insatiabilis. At parvo contenti alienamque non
detrahentes famam nec fortunam invidentes , sani atque
hilares faustissimam ducunt vitam. Sol serenus ipsis exurgit,
serenusque cadit, & cùm nox tenebris silentes terras invol-
vit , somnos invitat leves non ambitiosæ mentis tranquillitas.
O Philosophe vates tu solus placidæ vitæ delicias adumbrare
vales ! O desperanda perfectio , frangendique penicilli !
Beatus ille qui procul negotiis , &c. &c. &c. Quam lugenda
verò , quàm miserabilis ambitiosi vita ? Nunquam contentus,
pèr extrema irruens , aut præsentī felicitate frui nescit , aut
futuram spe devorat , infelix semper. Sibimet ipse mentiens,
modò irrequieto cultu fortunam audax laceffit, modò honores
superbus affectat , aut famam laudesve inhians captat. Stare
nescit , nullusque ipsi est in rebus modus. ardet , æstuat , fel-
cemque successum vix obtinet , novum efflagitat. Alieno suc-
cessu intabescit. Parentes , amicos , Patriam , modò prospera
rideat fortuna , si utile est crudelis perdet ; imò etiam avidā
futuri patrimonii spe accensus , paternos dies impius numerat ,
increpatque cœlum quòd tam longam annorum seriem , pa-
rentibus concesserit. Frustrà devinciunt illum sacra societa-
tum jura ; propositi non tenax , sacramenti immemor , hono-
ris oblitus , jura calcabit perjurus. Quos utiles quondam
futuros prævidet , cupidis demulcet blanditiis. Eosdem mutato
rerum ordine inutiles factos salutantes ignorat , aut insolenti
fastu dedignatur ; adhuc nimium felices , si fortis participes
illos non accusat. Diem perdidi , dicebat Titus generis humani
parens , hodiè neminem beatum feci. Ambitiosus verò , me
miserum exclamat demens , diem perdidi , hodiè nullos ho-

nones, nullum titulum obtinui divitiarumve nullas comparavi
imò etiam novam mentem non concepi. Sic totum vitæ curriculum ambitiosus percurrit.

I I I.

SI tot affectus miserabiles ambitiosum premunt animum,
Siquid de incommodis corporis inde oriundis dicendum?
Continuo motu agitur & exhauritur principium vitale;
fervet sanguis, æstuant humores, ardescitque totum corpus.
Alimenta quæ vorat impatiens, non digerit. Hinc flatuum
sævi dolores, molesti ructus, calor intolerabilis & tristes
curæ. Hinc macies, febris lenta, demumque tabes ambitiosa.
Non fudor, nec dulcis perspiratio ambitiosum sublevant;
acris urina, lymphæ spissæ, bilis inflammata, denique omnes
depravati liquores; solida exarescunt, rigida fiunt, & ad con-
vulsivos motus tendunt. Frustrâ mensis lautissimis dapibus exo-
neratis accumbit ambitiosus; illum ubique sequitur satietas,
aut vexat sollicitudo. Si fortè læta inter pocula tacitam men-
tem gaudia quædam pertentant, vel novus honos, vel re-
cens titulus, vel divitiarum illo ferè instanti comparatarum insoli-
tum extorquent risum. At brevè avolant risus natales locos
quæsituri. His succedunt edaces curæ, appetitum proster-
nentes, vires suffocantes miserumque perpetuò mortem inter
& vitam agitarum deferentes. Aspicias ambitiosum; oculi cavi
& dubii, frons contracta, rugisque aspera, facies torva vel
mendaci risu demulcens, macies ac livor in corpore toto;
fugiunt dulces somni, fugitque exterrita voluptas.

I V.

QUANDO quidem sollicitudo indefessum ambitiosum
vultur tacitos non sinat iredies; agendum insomnes agat
noctes, irrequietos ducat dies, invidia marcescat, in novâ
quotidiè ruat flagitia. Demens! non tangitur aurê animi

tranquillitate, sola vitæ fugientis felicitas, unicumque vivendi solamen. Reverà ridet ipsi fortuna; fulgent mendaci fuco honores, tituli. Sed eheu *tollitur in altum ut lapsu graviore ruat*. Jam jam graves morbi, ambitioso graviores incumbunt; sanitasque si firma ac valida sit, brevi exhausta evanescit; si debilis & imbecilla, aut debilior sit aut etiam extinguitur. Cùm tanta ambitiosum urgeant mala, nemo sanè tam parum suū amans, ut mentem suam ab ambitione non præcaveat, nemo tam insanus ut beatum se existimet, quamvis prospera faveat fortuna, si sanitatem amiserit. Bonâ enim sine valetudine non ridet ver amœnum, non mollia prata frigetque venus & vita vitæ sepulcrum est.

V.

NON me latet quosdam homines ità fuisse à naturâ comparatos, ut impunè ambitioni toti se devoverint. Quid indè? An tentandum est fatum ferè ineluctabile? Alexander adhuc infans, orbis terrarum stragem jam corde agitabat, lacrimasque effundebat si quis victorias Philippi patris sui recitasset; querebatur amens, Regem Macedonia toties victorem, nil ipsi debellandum si pergeret esse relicturum. Attamen ardentissimâ ambitione flagrans longam fortassè protulisset vitam, ni flagitiis omnibus sese inquinasset. Sed quàm raro reperias homines ambitione vexatos morborum prorsus immunes!

Si pauci admodum integri ac incolumes ambitiosi vivunt, inconcussum non minus remanet, ambitionem pessimum esse vitæ venenum. Nihil ergò impedit concludere.

Ergò Ambitio sanitati nocet.

Proponēbat Parisiis, JOANNES-BAPTISTA-ADRIANUS ROZE DELEPINOY,
Senonensis, Doctor Medicus Rhemenfis, Saluberr. Facultatis
Medicinæ Parisiensis Baccalaureus, Thæseos Autor.
A. R. S. H. 1783. AB OCTAVA AD MERIDIEM

Typis QUILLAV, Saluberrimæ Facultatis Medicinæ Typographi 1782

